



**Cronfa Bensiwn Gwent
Fwyaf (Torfaen)**
gweinyddir gan Gyngor Bwrdeistref Sirol Torfaen



HYSBYSIAD PREIFATRWYDD LLAWN

Mae geiriad y ddogfen hon yn adlewyrchu gofynion Rheoliad Diogelu Data Cyffredinol (RhDDC) a ddaeth i rym ar 25ain Mai 2018.

I aelodau a buddiolwyr Cronfa Bensiwn Gwent Fwyaf (Torfaen)

Maes Gwasanaeth CBST:	Adnoddau
Maes gwaith:	Pensiynau
Manylion Cyswllt	Cronfa Bensiwn Gwent Fwyaf (Torfaen) Cyngor Bwrdeistref Sirol Torfaen Canolfan Dinesig Pontypwl Torfaen NP4 6YB (01495) 766266 pensions@torfaen.gov.uk
Enw Hysbysiad Preifatrwydd:	Hysbysiad Preifatrwydd Cronfa Bensiwn Gwent Fwyaf (Torfaen)

Rheolwr Data:

Cyngor Bwrdeistref Sirol Torfaen
d/o Y Ganolfan Ddinesig
Pont-y-pŵl
NP4 6YB

Swyddog Diogelu Data a Llywodraethu Gwybodaeth:

Susan Bullock
01633 647467
E-bost: dpa@torfaen.gov.uk

Hysbysiad yw hwn ar gyfer aelodau a buddiolwyr Cronfa Bensiwn Gwent Fwyaf (Torfaen) (y "Gronfa"). Fe'i paratowyd gan Gyngor Bwrdeistref Sirol Torfaen (yr "Awdurdod Gweinyddu", neu "ni") yn rhinwedd ei rôl fel yr awdurdod sy'n gweinyddu'r Gronfa. Mae'r hysbysiad preifatrwydd hwn yn disgrifio sut rydym yn casglu ac yn defnyddio data personol yn unol â deddfwriaeth diogelu data.

Mae'r hysbysiad preifatrwydd hwn ar gael hefyd ar y ddolen ganlynol:

<http://www.gwentpensionfund.co.uk/>

Mae'n bwysig eich bod yn darllen yr hysbysiad preifatrwydd hwn ynghyd ag unrhyw hysbysiad preifatrwydd arall neu bolisi prosesu teg y gallwn ei ddarparu ar adegau penodol pan fyddwn yn casglu neu'n prosesu data personol amdanoch fel eich bod yn

gwbl ymwybodol o sut a pham yr ydym yn defnyddio'ch data. Mae'r hysbysiad preifatrwydd hwn yn disodli unrhyw hysbysiad preifatrwydd cyffredinol y gallem fod wedi'i gyhoeddi o'r

blaen ac mae'n ategu unrhyw hysbysiadau a pholisïau preifatrwydd eraill a gyhoeddwn sy'n benodol i weithgareddau casglu / prosesu data penodol.

Pam ydyn ni'n darparu'r hysbysiad hwn ichi

Fel Awdurdod Gweinyddu'r Gronfa, rydym yn cadw gwybodaeth benodol amdanoch ac y gellir eich adnabod ohoni ("data personol") a ddefnyddiwn i weinyddu'r Gronfa ac i dalu buddion ohoni. Yn unol â deddfwriaeth diogelu data, mae'n ofynnol i ni roi gwybodaeth benodol i chi am y data personol sydd gennym amdanoch, sut rydym yn ei ddefnyddio, eich hawliau mewn perthynas ag ef a'r mesurau diogelu sydd ar waith i'w ddiogelu. Mae'r hysbysiad hwn wedi'i gynllunio i roi'r wybodaeth honno i chi.

Y rhan technegol

Mae'r Awdurdod Gweinyddu yn dal data personol amdanoch yn rhinwedd ei rôl fel rheolydd data i sicrhau yr ymdrinnir yn briodol â phob mater yn ymwneud â'r Gronfa, yn cynnwys ei gweinyddu a'i rheoli. Mae hyn yn cynnwys yr angen i brosesu'ch data er mwyn cysylltu â chi, i gyfrifo, sicrhau a thalu eich buddion, i wneud gwaith modelu ystadegol ac ariannol ac at ddibenion cyfeirio (er enghraifft, pan fyddwn yn asesu faint o arian sydd ei angen i ddarparu buddion yr aelodau a sut y dylai'r arian hwnnw gael ei fuddsoddi), ac i reoli rhwymedigaethau a gweinyddu'r Gronfa yn gyffredinol. Caiff rhagor o wybodaeth am sut yr ydym yn defnyddio'ch data personol ei darparu isod.

Y sail gyfreithiol ar gyfer ein defnydd o'ch data personol fel arfer fydd bod angen i ni brosesu eich data personol i fodloni ein rhwymedigaethau cyfreithiol fel Awdurdod Gweinyddu'r Gronfa. Fodd bynnag, lle nad yw'r sail gyfreithiol honno'n berthnasol, y sail gyfreithiol ar gyfer ein defnydd o'ch data personol fydd un neu fwy o'r canlynol:

- a) mae angen inni brosesu'ch data personol er mwyn cyflawni tasg er budd y cyhoedd neu wrth arfer awdurdod swyddogol yn ein rôl fel corff cyhoeddus;
- b) mae angen inni brosesu'ch data personol i'r dibenion dilys o weinyddu a rheoli'r Gronfa a'r rhwymedigaethau oddi tani, cyfrifo, sicrhau a thalu buddion a chyflawni'n rhwymedigaethau ac arfer unrhyw hawliau, dyletswyddau a disgresiwn sydd gan yr Awdurdod Gweinyddu mewn perthynas â'r Gronfa;
- c) oherwydd bod angen inni brosesu'ch data personol i gyflawni'n rhwymedigaethau cytundebol ichi mewn perthynas â'r Gronfa (er enghraifft, o dan gytundeb y byddwch chi'n talu cyfraniadau gwirfoddol ychwanegol i'r Gronfa), neu i gymryd camau, ar eich cais chi, cyn ymrwmo i gontract.

Pa ddata personol ydyn ni'n ei ddal, a sut ydyn ni'n ei gael

Mae'r mathau o ddata personol rydyn ni'n ei ddal ac yn ei brosesu amdanoch yn gallu cynnwys:

- Manylion cyswllt, yn cynnwys enw, cyfeiriad, rhifau ffôn a chyfeiriad ebost.
- Manylion adnabod, yn cynnwys dyddiad geni, rhif yswiriant gwladol a rhif gweithiwr a rhif aelodaeth.

Fersiwn 3: cyhoeddwyd ar 11/02/2022

- Gwybodaeth sy'n cael ei defnyddio i gyfrifo ac asesu cymhwyster am fuddion, er enghraifft, hyd y cyfnod o wasanaeth neu aelodaeth a gwybodaeth am eich cyflog.
- Gwybodaeth ariannol sy'n berthnasol wrth gyfrifo neu dalu buddion, er enghraifft, manylion cyfrif banc a threth.
- Gwybodaeth am eich teulu, dibynyddion neu amgylchiadau personol, er enghraifft, statws priodasol a gwybodaeth berthnasol i ddosbarthu a dyrannu'r buddion sy'n daladwy ar farwolaeth.
- Gwybodaeth am eich ieuchyd, er enghraifft, i asesu cymhwyster am fuddion sy'n daladwy pan fydd ieuchyd rhywun yn wael, neu lle mae'ch ieuchyd yn berthnasol i hawliad am fuddion yn dilyn marwolaeth aelod o'r Gronfa.
- Gwybodaeth am euogfarn droseddol os yw hynny wedi golygu bod arnoch chi arian i'ch cyflogwr neu'r Gronfa ac y gallai'r cyflogwr neu'r Gronfa gael eu had-dalu o'ch buddion.

Rydym yn cael peth o'r data personol hwn yn uniongyrchol oddi wrthydd chi. Gallwn hefyd gael data (er enghraifft, gwybodaeth am eich cyflog) oddi wrth eich cyflogwr/wyr cyfredol neu flaenorol neu gwmnïau a'u holynydd mewn busnes, oddi wrth aelod o'r Gronfa (lle'r ydych chi neu lle gallech fod yn fuddiolwr o dan y Gronfa o ganlyniad i aelodaeth y person hwnnw o'r Gronfa) ac o amrywiaeth o ffynonellau eraill yn cynnwys cronfeydd data cyhoeddus (megis y Gofrestr Genedigaethau, Marwolaethau a Phriodasau), ein cynghorwyr neu gyrff llywodraeth neu gyrff rheoleiddio, yn cynnwys y rheini ar y rhestr o sefydliadau y gallwn rannu'ch data personol gyda nhw, sydd wedi'i nodi isod.

Lle'r ydym yn cael gwybodaeth am rai "categoriâu arbennig" o ddata neilltuol o sensitif, megis gwybodaeth am ieuchyd, mae mesurau diogelu ychwanegol mewn grym o dan y ddeddfwriaeth diogelu data. Dim ond gyda'ch caniatâd chi y byddwn yn prosesu'ch data personol sy'n dod o fewn un o'r categorïau arbennig, oni bai ein bod yn gallu prosesu'r data hwn yn gyfreithlon am reswm arall a ganiateir gan y ddeddfwriaeth honno. Mae gennych yr hawl i dynnu'ch caniatâd i brosesu yn ôl ar unrhyw adeg drwy hysbysu'r Awdurdod Gweinyddu yn ysgrifenedig. Fodd bynnag, os na roddwch eich caniatâd, neu os byddwch yn ei dynnu'n ôl yn ddiweddarach, efallai na fydd yr Awdurdod Gweinyddu yn gallu prosesu'r wybodaeth berthnasol i wneud penderfyniadau wedi'u seilio arni, yn cynnwys penderfyniadau am dalu eich buddion.

Lle'r ydych chi wedi darparu data personol inni am unigolion eraill, megis aelodau o'r teulu, dibynyddion neu fuddiolwyr posibl o dan y Gronfa, cofiwch wneud yn siŵr fod yr unigolion hynny'n ymwybodol o'r wybodaeth sydd wedi'i chynnwys yn yr hysbysiad hwn.

Sut byddwn ni'n defnyddio'ch data personol

Byddwn yn defnyddio'r data hwn i ddelio â'r holl faterion yn ymwneud â'r Gronfa, yn cynnwys ei gweinyddu a'i rheoli. Gall hyn gynnwys prosesu eich data personol at bob un neu unrhyw rai o'r dibenion canlynol:

- i gysylltu â chi.
- i asesu cymhwyster am fuddion, eu cyfrifo a'u darparu i chi (ac, os ydych chi yn aelod o'r Gronfa, i'ch buddiolwyr ar eich marwolaeth).
- i nodi eich opsiynau posibl neu wirioneddol o ran buddion.
- i ganiatáu ffyrdd amgen o gyflenwi'ch buddion, er enghraifft, drwy ddefnyddio cynnyrch yswiriant a throsglwyddiadau i drefniadau pensiwn eraill neu drwy uno â threfniadau pensiwn eraill.
-

- at ddibenion modelu ystadegol ac ariannol a dibenion cyfeirio (er enghraifft, pan fyddwn yn asesu faint o arian sydd ei angen i ddarparu buddion yr aelodau a sut y dylai'r arian hwnnw gael ei fuddsoddi).
- I asesu ac, os yw'n briodol, gweithredu cais a wnewch i drosglwyddo eich buddion allan o'r Gronfa
- i gydymffurfio â'n rhwymedigaethau cyfreithiol a rheoleiddiol fel awdurdod gweinyddu'r Gronfa.
- i ymdrin ag ymholiadau gan aelodau a buddiolwyr eraill ac i ymateb i unrhyw anghydfod gwirioneddol neu bosibl ynglŷn â'r Gronfa.
- i reoli rhwymedigaethau'r Gronfa, yn cynnwys ymrwymo i drefniadau yswiriant a dewis buddsoddiadau'r Gronfa.
- mewn perthynas â gwerthu, uno neu ad-drefnu corfforaethol ar unrhyw fusnes neu drosglwyddo busnes o eiddo'r cyflogwyr sy'n rhan o'r Gronfa a chwmnïau'u grŵp.

Sefydliadau y byddwn efallai yn rhannu'ch data personol gyda nhw

O bryd i'w gilydd byddwn yn rhannu'ch data personol gyda chynghorwyr a darparwyr gwasanaethau fel y gallant ein helpu i gyflawni'n dyletswyddau, ein hawliau a'n disgresiwn mewn perthynas â'r Gronfa. Bydd rhai o'r sefydliadau hyn yn prosesu'ch data personol ar ein rhan ac yn unol â'n cyfarwyddiadau; cyfeirir atynt fel prosesyddion data. Bydd sefydliadau eraill yn gyfrifol i chi'n uniongyrchol am eu defnydd o ddata personol rydyn ni'n ei rannu gyda nhw. Cyfeirir atyn nhw fel rheolyddion data. Mae'n bosibl y bydd yn rhaid i'r rheolyddion dan y ddeddfwriaeth diogelu data roi gwybodaeth ychwanegol i chi am y data personol y maent yn ei gadw amdanoch a sut a pham y maent yn prosesu'r data hwnnw. Mae'n bosibl y rhoddir rhagor o wybodaeth i chi mewn hysbysiad ar wahân neu gellir ei chael gan y cynghorwyr a'r darparwyr gwasanaeth yn uniongyrchol, er enghraifft drwy eu gwefannau.

Pryd bynnag y bydd un o'n hymgyngorwyr neu ddarparwyr gwasanaeth yn gweithredu fel rheolydd ar y cyd â ni mewn perthynas â'ch data personol, oherwydd ein bod yn pennu'r dibenion a'r dulliau o'i brosesu ar y cyd, byddwn yn cytuno â nhw sut y byddwn i gyd yn mynd i gwrdd â'n data personol a chyfunol. rhwymedigaethau o dan y ddeddfwriaeth diogelu data. Os hoffech ragor o wybodaeth am sut mae trefniant o'r fath yn gweithio, cysylltwch â ni gan ddefnyddio'r manylion cyswllt isod.

Mae'r sefydliadau y gallwn rannu eich data personol â nhw yn cynnwys y cynghorwyr a'r darparwyr gwasanaeth canlynol:

Prosesyddion data	Rheolyddion data
• Darparwr taliadau dramor i drosglwyddo taliadau i aelod o'r cynllun sydd â chyfrifon y tu allan i'r DU – ar hyn o bryd Western Union • Cwmnïau argraffu – ar hyn o bryd Adare SEC • Darparwr meddalwedd pensiynau – ar hyn o bryd Heywood Pension Technologies • Cyflenwyr gwasanaethau TG, cynhyrchu a dosbarthu dogfennau	• Gweinyddwr – Gyngor Bwrdeisdref Sirol Torfaen • Darparwyr Cyfraniadau Gwirfoddol Ychwanegol – ar hyn o bryd Clerical Medical, Utmost Life and Pensions & Standard Life • Actiwari'r Gronfa – ar hyn o bryd Hymans Robertson • Archwilydd allanol – ar hyn o bryd Archwilio Cymru

Fersiwn 3: cyhoeddwyd ar 11/02/2022

• Ymgynghorydd Hirhoedless – ar hyn o bryd Club Vita • Porth Hunan Wasanaeth – ar hyn o bryd Heywood Pension Technologies	• Archwilydd mewnol – ar hyn o bryd Gyngor Bwrdeisdref Sirol Torfaen • Swyddfeydd olrhain ar gyfer sgrinio marwolaethau a lleoli aelodau – ar hyn o bryd ATMOS • Cronfa ddata Yswiriant Gwladol y Gronfa – (Awdurdod Pensiynau De Swydd Efrog) • Yr Adran Gwaith a Phensiynau • Adran Actiwari'r Llywodraeth • Swyddfa'r Cabinet – at ddibenion y Cynllun Atal Twyll Cenedlaethol • CThEM • Llysoedd Cymru a Lloegr – i'r diben o brosesu gorchmynion rhannu pensiwn ar ysgariad
--	---

Lle'r ydym yn buddsoddi ar ran y Gronfa neu'n ceisio darparu buddion i aelodau'r Gronfa mewn ffyrdd eraill, megis drwy ddefnyddio yswiriant, efallai y bydd angen inni rannu data personol gyda darparwyr buddsoddiadau, yswirwyr a gweithredwyr cwmnïau pensiwn eraill.

O bryd i'w gilydd efallai y byddwn yn darparu peth o'ch data i'ch cyflogwr a'i is-gwmnïau perthnasol (a darpar brynwyr eu busnesau) a chynghorwyr i'r diben o alluogi'ch cyflogwr i ddeall ei rwymedigaethau i'r Cynllun. Byddai'ch cyflogwr yn gyffredinol yn rheolydd ar y data personol a rennir gydag ef yn yr amgylchiadau hynny. Er enghraifft, lle mae'ch cyflogaeth chi yn ymwneud â darparu gwasanaethau sy'n ddarostyngedig i drefniant darparu o ffynhonnell allanol, gallai'r Awdurdod Gweinyddu ddarparu gwybodaeth am eich buddion pensiwn i'ch cyflogwr ac i ddarpar gynigwyr am y contract hwnnw pan ddaw i ben neu pan gaiff ei adnewyddu.

Lle gwneir cais neu os ydym o'r farn fod angen rhesymol am hynny, gallwn hefyd ddarparu'ch data i gyrff llywodraeth a sefydliadau datrys anghydfodau a gorfodi'r gyfraith, yn cynnwys y rhai a rhestrir uchod, y Rheoleiddiwr Pensiynau, yr Ombudsmon Pensiynau a Chyllid a Thollau Ei Mawrhydi (CThEM). Gallan nhw wedyn ddefnyddio'r data i gyflawni'u swyddogaethau cyfreithiol.

Gall y sefydliadau y cyfeirir atynt yn y paragraffau uchod ddefnyddio'r data personol i gyflawni'u swyddogaethau mewn perthynas â'r Gronfa yn ogystal ag ar gyfer modelu ystadegol ac ariannol (megis cyfrifo costau cyfartalog disgwyledig buddion a chyfraddau marwolaethau) ac at ddibenion cynllunio, gweinyddu busnes a rheoleiddio. Gallant hefyd basio'r data i drydydd partïon eraill (er enghraifft, gall yswirwyr basio data personol i gwmnïau yswiriant eraill i'r diben o ailyswiro), i'r graddau y maent yn ystyried bod gofyn rhesymol am y wybodaeth at ddiben cyfreithlon.

Nid ydym yn defnyddio'ch data personol at ddibenion marchnata ac ni fyddwn yn rhannu'r data hwn ag unrhyw un at ddiben marchnata i chi neu unrhyw fuddiolwr.

Trosglwyddo gwybodaeth y tu allan i'r DU

Mewn rhai achosion gallai'r cyrff derbyn hyn fod y tu allan i'r Deyrnas Unedig (DU). Mae hyn yn golygu y gallai'ch data personol gael ei drosglwyddo y tu allan i'r DU i awdurdodaeth nad yw efallai yn cynnig lefel ddiogelu sy'n cyfateb i ofynion Llywodraeth y

Fersiwn 3: cyhoeddwyd ar 11/02/2022

DU. Os digwydd hyn, rhaid inni wirio bod mesurau diogelu priodol yn cael eu rhoi ar waith gyda golwg ar ddiogelu eich data yn unol â'r cyfreithiau cymwys. Defnyddiwch y manylion cyswllt isod os ydych am gael rhagor o wybodaeth am y mesurau diogelu sydd ar waith ar hyn o bryd.

Pa mor hir ydyn ni'n cadw'ch data personol

Ni fyddwn yn cadw'ch data personol ond cyhyd ag y mae angen inni wneud hynny er mwyn cyflawni'r diben(ion) y casglwyd ef ar ei gyfer a chyn hired wedi hynny ag a allai fod yn ofynnol yn ein barn ni i ddelio ag unrhyw gwestiynau neu gwynion y gallem eu cael ynglŷn â gweinyddiad y Gronfa, oni bai ein bod yn dewis cadw'ch data am gyfnod hwy i gydymffurfio â'n rhwymedigaethau cyfreithiol a rheoleiddiol. Yn ymarferol, mae hyn yn golygu y caiff eich data personol ei gadw am:

- cyfryw gyfnod ag y mae gennych chi (neu unrhyw fuddiolwr sy'n cael buddion ar ôl eich marwolaeth) hawl i fuddion o'r Gronfa ac am gyfnod o 55 mlynedd ar ôl i'r taliadau buddion hynny ddod i ben. Am yr un rheswm, efallai y bydd angen cadw eich data personol hefyd pan fyddwch wedi derbyn trosglwyddiad, neu ad-daliad, o'r Gronfa mewn perthynas â'ch hawl i fuddion.

Eich hawliau

Mae gennych hawl i weld a chael copi o'r data personol y mae'r Awdurdod Gweinyddu yn ei ddal andanoch ac i ofyn i'r Awdurdod Gweinyddu gywiro eich data personol os oes unrhyw wallau neu os nad yw'n gyfredol. O dan rai amgylchiadau, efallai y bydd gennych hawl hefyd i ofyn i'r Awdurdod Gweinyddu gyfyngu'r prosesu ar eich data personol nes bydd unrhyw wallau wedi'u cywiro, i wrthwynebu prosesu neu i drosglwyddo neu (mewn amgylchiadau cyfyngedig iawn, megis lle nad oes angen eich data personol mwyach at y diben y mae'n cael ei brosesu ar ei gyfer) ddileu eich data personol. Dylech nodi nad oes rheidrwydd arnom i ddileu eich data personol os oes angen i ni ei brosesu at ddibenion gweinyddu'r Gronfa.

Mewn rhai amgylchiadau mae gennych yr hawl i wrthwynebu prosesu eich data personol; er enghraifft, mae gennych yr hawl i wrthwynebu prosesu eich data personol sy'n seiliedig ar fudd y cyhoedd neu fuddiannau cyfreithlon a nodir yn yr adran uchod dan y pennawd "Y rhan dechnegol", neu lle mae prosesu at ddibenion marchnata uniongyrchol.

Gallwch gael rhagor o wybodaeth am yr hawliau hyn o Swyddfa'r Comisiynydd Gwybodaeth yn: www.ico.org.uk neu drwy ei llinell gymorth (0303 123 1113).

Os ydych yn dymuno arfer unrhyw un o'r hawliau hyn neu os oes gennych gwestiynau neu bryderon ynglŷn â'r prosesu ar eich data personol, cysylltwch â Gweinyddwr y Gronfa fel y nodir isod. Mae gennych hawl hefyd i gyflwyno cwyn i Swyddfa'r Comisiynydd Gwybodaeth ynglŷn â'r hysbysiad preifatrwydd hwn neu weithgareddau prosesu'r Awdurdod Gweinyddu – gallwch wneud hynny drwy'r wefan uchod neu'i llinell gymorth.

Fel yr eglurwyd yn yr adran uchod dan y pennawd "Sut byddwn ni'n defnyddio'ch data personol", un o'r rhesymau rydym yn casglu ac yn cadw eich data personol yw er mwyn gweinyddu buddion eich Gronfa. Os na fyddwch yn darparu gwybodaeth rydym ei angen, neu os byddwch yn gofyn am i'r data personol yr ydym yn ei ddal yn barod gael ei ddileu neu am gyfyngu arno, gallai hyn effeithio ar dalu buddion i chi (neu'ch buddiolwyr) o dan y

Fersiwn 3: cyhoeddwyd ar 11/02/2022

Gronfa. Mewn rhai achosion gallai olygu nad yw'r Awdurdod Gweinyddu yn gallu dechrau talu eich pensiwn neu fod rhaid iddo atal eich pensiwn (os yw eisoes yn cael ei dalu).

Diweddariadau

Efallai y byddwn yn diweddarau'r hysbysiad hwn o bryd i'w gilydd. Lle'r ydym yn gwneud

hyn, byddwn yn hysbysu'r aelodau o'r newidiadau a'r dyddiad pan fydd y newidiadau'n dod i rym.

Cysylltu â ni

Os ydych yn dymuno arfer unrhyw un o'r hawliau yn y hysbysiad yma, neu os oes gennych gwestiynau neu bryderon ynglŷn â'r prosesu ar eich data personol, cysylltwch â Cronfa Bensiwn Gwent Fwyaf (Torfaen) ar 01495 766266 neu e-bost: pensions@torfaen.gov.uk

Swyddog Diogelu Data

Gallwch hefyd gysylltu â'n swyddog diogelu data Susan Bullcok am ragor o wybodaeth ar 01633 647467 neu e-bost dpa@torfaen.gov.uk